



SORALUZEKO UDALA
AYUNTAMIENTO DE PLACENCIA DE LAS ARMAS

UDALAREN ETA PIL-PILEAN EUSKALTZALEEN ELKARTEAREN ARTEKO HITZARMENA, "UDALEKU IREKIAK" EGITASMOA DIRUZ LAGUNTZEKO

Soraluzen bi mila eta hogeita hiruko ekainaren 26an.

BILDURIK

Soraluzeko Udaleko Alkatea, Unai Larreategi Azurmendi eta bestetik, Arianne Unamuno Loidi, Pil-pilean Euskaldunon Elkarteko lehendakaria.

ADIERAZI DUTE

1. Hitzarmenaren objektu den jarduera interes publikokoa dela eta Udal aurrekontuan dirulaguntza izendun gisa dagoela aurreikusita.
2. Pil-Pilean Euskaltzaleen Elkarteak Sorluze euskaldunagoa izateko lanean hainbat arlo jorratzen dituela, haur eta gazteen aisialdia delarik horietako bat.
3. Haur eta gazteen artean euskararen ezagutza etengabe hobetu den arren, oraindik hutsune larria dugula erabilera eta hori konpontzeko euskaraz egiteko aukera eskaintzen eta lehenesten duten guneak ugaldu behar direla, esparru ez-formalean ugaldu ere, haur eta gazteek hezkuntza sistemaren barruan dauden bitartean irakaskuntza prozesuaren osagarri izan dadin ezinbestean.
4. Euskararen ezagutza, jarrera eta erabilera areagotzeko ez ezik, Udalekuak moduko jarduerak jarduera egokiak direla administrazioek adin-tarte horietarako definituta dituzten politikak aurrera eramateko, politika horien xedea delarik haurrei modu egokian garatzen laguntzea, haurtzaroa berezko balio eta esanahi duen garai gisa bizi dezaten eta beren bizitzaren protagonista, hiritartasun eskubideen subjeto eta komunitateko partaide izan daitezen.

Hori dela eta, hitzarmen hau sinatzea erabaki dute.

HITZARMENAREN XEDEA

Hitzarmen honen xedea Pil-pilean Euskaltzaleen Elkarteak antolatzen dituen "SORALUZEKO UDALEKU IREKIAK" jarduerarako dirulaguntza zehaztea da.

HITZARMENAREN IRAUNALDIA

Hitzarmen honen iraunaldia urte batekoa da, 2023ko urtarrilaren 1etik abenduaren 31ra artekoa.

DIRULAGUNTZEN KOPURUA

Hitzarmenaren objektu den jarduera "Sorluze Udaleku Irekiak" aurrera eramateko dirulaguntzaren zenbatekoa 30.000 eurokoa da.



SORALUZeko UDALA
AYUNTAMIENTO DE PLACENCIA DE LAS ARMAS

UDALAREN BETEBEHARRAK

Udalak, dirulaguntza ematen duen neurrian, honako betebehar hauek izango ditu:

1. Dirulaguntza urtero ordainketa bakarrean emango dio elkarteari, jardueraren proiektua zehazten duen eskaera jaso eta aztertu ondoren.
2. Jarduera aurrera eramateko elkarteak beharrezko dituen lokal eta azpiegiturak elkarteren eskura jarri.
3. Udalak, berezitasunak dituzten familiei diruz lagunduko die, Elkarteak finkatutako kuota ordainketaren zati bat eginez. Horretarako Udalak dagokion prozedura martxan jarriko du eta horrek Elkartearekin Koordinazioa eskatuko du.

ELKARTEAREN BETEBEHARRAK

Elkarteak, dirulaguntzaren onuradun den aldetik, honako betebehar hauek izango ditu:

1. Jarduera aurrera eramateko prestatu duen egitasmoa aurkeztu beharko dio udalari. Egitasmoak ondorengoak jaso beharko ditu, besteak beste: proiektuaren nondik norakoa; jasotzaileen adina, datak eta iraupena, tarifak, hezitzaile/ haur ratioak, hizkuntzen kudeaketa, genero berdintasuna bermatzeko neurriak, hezitzaileen lan-baldintzak, hezitzaileen titulazioa, zuzeneko orduen eta prestaketa orduen zehaztasuna, jardueraren helburuak, programazioa egunegun, azpiegitura beharrak, zabalpenerako plangintza...).
2. Hitzarmenean aurreikusitako egitasmoa osotasunean gauzatu beharko du, matrikulak egiteki hasi eta azken memoria entregatu arte.
3. Jasotako dirulaguntza, hitzarmenean adierazitako helburu zehatzetarako erabili beharko du.
4. Jarduera ezagutarazteko erabiltzen duen edozein eratako publizitate eta iragarkitan Soraluze Udalaren laguntza duela adierazi beharko du argi.
5. Jasotako diru-laguntza, hurrengo urteko martxoaren 31a baino lehen justifikatu beharko du, udal ebazpenean eskatzen zaion bezala eta beti ere indarrean dauden udal araudi eta legediaren arabera. Dena den, edozein momentuan ere udalak eskubidea izango du Elkarteari finantzatuko jarduerari loturiko diru-kontuen berri eman dezan eskatzeko.
6. Jardueraren baitan hurrek jasan lezaketan edozein motatako istripu edo gertakari kaltekorri aurre egiteko jarduera guztia estaliko duen Erantzukizun Zibileko Asegurua kontratatatu beharko du.

HITZARMENA EZ BETETZEAREN ONDORIOAK

Hitzarmen honetan jasotakoak beteko ez balira, bukatutzat emango litzateke, Udal araudian ezarritakoaren arabera jokatu.



SORALUZeko UDALA
AYUNTAMIENTO DE PLACENCIA DE LAS ARMAS

Pil-pilean Euskaltzaleen Elkartek dirulaguntza kontzeptuan jasotako diru-kopuru osoa erabiliko ez balu, dirulaguntzen udal araudian aurreikusitako reintegro espedientea abiatuko litzateke.

Eta horrela jasota uzteko eta euren adostasuna agertzeko, honako hitzarmen hau egin eta hasieran aipatutako toki-egunetan izenpetu dute bi parteek.



Unai Larrea
Soraluzeko Udaleko Alkatea

Arianne Unamuno Loidi
Pil-pilean Euskaltzaleen Elkarteko
Lehendakaria